

69451

地130.183

42

部三:1~4



第二編

集隋故長陵縣令盧君
墓誌銘字 輟國廿三
年夏竹森



中華民國二十四年五月

涿縣志

邑人周存培題



中華民國二十五年七月十五日印

重修涿縣志序

縣之有志猶國之有史也大義通例具體而微而已大而天地經緯星躔分野小而山川人物政事民風咸列簡編以傳後世而資觀感攷古籍類如邊防都邑之略郡國利病諸著皆私家史輿之專書也而華陽元和兩志尤開縣志先型顧一州郡之史事所關於民族遞嬗國家興替者至重且大洵爲一代學士大夫之責而不可忽者也民國十九年冬予奉檄爲涿長視事之初將欲求施政之由徵覽舊志始知絕而未續者六十餘年茲事之久廢也深堪惜焉夫涿有關於吾民族也由來遠矣溯黃帝之始基也率吾華族自西東漸筭路藍縷以啟山林誅蚩尤於涿鹿之野驅除異類安宅中土至今涿之西郭蓋有蚩尤塚云迨至虞舜肇十有二州封十有二山涿仍堯建爲幽首府東迄遼水西起太行醫巫閭山實爲幽鎮延廣二千餘里皆幽地也降及漢季復於幽之東鄙置玄菟樂浪諸郡樂浪東暨當今朝鮮平壤故城去秋夷禍卒作虞劉我東省妄言遼地非華本土若非典籍可徵將何以明其詐質其

河北省涿縣志

序一

北平京城印書局承印

枉哉輿史舊志其有關於吾國也如此且涿人文特盛自古迄今不衰其姓氏傳紀固已備詳志中不復具載而尤以劉琨祖逖二人乘板蕩之秋奮鷹揚之志抵挫異族爲炎胄爭光地靈人傑信其然也然則修涿志於夷寇侵陵國步艱難之際其意義不更大乎况涿志輟廢六十餘年其間外侮紛乘視往代爲鉅災祲喪亂變法更張亦較古昔爲繁其盛者革四千年專制殘局開二十年共和新軌易科舉爲學校習武事衣胡服四裔文化互通萬國車書異制自頃以黨建國以黨治國三民主義爲國大經革故鼎新咸圖將來資鑑且也涿地迭經兵燹圖籍散亡掌故舊聞端資故老傳述私人紀載當此耆宿健在工史例能文章續修涿志可謂得其時宜其人矣初議甫決遂先聘名宿士紳張摘辰周葆生蕭佑卿陳濟生高琴堂吳伯彝諸子主董其事縣黨部及各機關首長咸熱心贊茲盛舉而邑之文士且盡與焉富室搢紳亦慨助膏火紙筆之資分類執事閱兩月而規模羅具適

省府通令各縣修志限月上報將爲省志張本遂一舉而兩益備焉按涿志以故州

牧吳山鳳所修本爲善後曾一續祇增益吳志之條目而已今茲所修仍本吳志取材凡其不合時制及舊無建置者分別而增刪之值國難期內而志成閱時一年又半後予解組已三月矣繼任者遼陽馮君繼唐親觀其成完茲大業涿人士以予曾與從事特於付梓之日函予索叙予不學無文爰述其實還以報之是日也東望遼天風景不殊舉目有河山之異緬懷先民不禁感慨係之矣是爲叙

大中華民國二十一年九月十八日閩陽宋大章叙於燕京寓廬

河北省涿縣志

序一

一一

北平京城印書局承印

序一

縣之有志所以記自然之現象人事之沿革與夫文化之或興或替陳述既往而昭示來茲者也所包容者既廣則敘述之法爲要於是乎修志者咸致意於體例之得失焉清之盛時陸稼書先生爲靈壽縣志取例極嚴樹體最正厥後之修志者率多宗之蓋當時推崇聖治維護先師醇然儒家之言思無悖聖賢著書之旨斯爲得已今我國家外受強鄰之侵內多政變之擾昔日閉關自足之勢不能復守人民之生計社會之事業無不爲此界橫流所掃宕故物幾難保守國步益以艱難有志之士遂取中外物質精神諸文明比較之而判得失別去留用以謀復興策強盛夫國之基在縣所以爲國富強之資者須一一於縣樹其基教育必求其普及實業必使其振興建設之次第實施治安之確切保障均應講求於一縣之中然後推之全國而著者也果能百務循序而進使人民生計無不充社會事業無不舉則一縣之內土地闢而利澤溥矣工商懋而民生裕矣民智增而文化日高人皆安居樂業夫然後

河北省涿縣志

序一

三

北平京報印書局承印

統一縣之事物計其得失榮衰之蹟以及經營締造之人於事觀其消長之因於人察其成敗之數筆之於書以爲致力之準斯名縣志體例固不作也而爲用豈不大哉尙何有於泥守舊日體例填砌以成篇章者也舜生始觀涿政半載而重修涿縣縣志以脫稿聞感夫編輯者之賢勞採訪者之周密以及資助者之熱心公益歷二
年之久始斐然蔚然成書凡八編於是知此邦人士對於人民生計社會事業必能
羣策羣力共觀厥成今欲相與致力所以躋一縣於富強之域者當無慮夫寡助矣
式宣我懷殿於篇末爲序

中華民國二十一年十一月

遼陽馮舜生序

序二

綜覽古今中外文獻典籍凡成一帙每歷相當時期始行於世蓋不有倡其先者無以集於中不有善其後者無以觀厥成理有固然勢所必至也邑乘雖小而關於地方文化進步政治沿革經濟發展人物盛衰又豈可例外視之哉矧經六十餘年之陳述一旦欲重修而續之則斷非率爾操觚所能蒞事維善來宰涿邑下車伊始詢悉縣志編纂委員會由前任宋君寰文倡立於前馮君繼唐踵行於後聘請地方紳耆從事修纂歷時兩年初稿始脫斐然可觀但因於印資未遽付梓當即竭力籌劃以期有成嗣由黨政各機關領袖鑒於時日得以寬假遂約請士紳及專門學者分任審查加以整理畧者詳之闕者補之又越一載分輯八編舉凡輿圖標識經緯度數經濟狀況水利溝渠以及古蹟金石文字繪畫之影印一一搜羅而增益之準今酌古精益求精實打破歷史上舊紀錄而開縣志之新紀元也至縣屬三坡又復迭加採訪釐訂專編巨細兼收猶爲詳盡計自民國二十一年至二十四年經過相當

河北省涿縣志

序三

四

北平京城印書局承印

時期而事猶擱淺善後之責尙容有旁貸乎茲將再稿付諸棗梨成寰文欲成之志竟繼唐未竟之功此志告成得與古今中外文獻典籍相輝映匪獨於湯有光即參加編纂採訪籌辦審查校印諸君不亦榮幸而愉快乎姑誌始末弁諸卷首俾披覽斯志者知此舉良非易易希有以鑒諒焉云爾乙亥夏臨溟孫維善序於河北涿縣政府

序四

涿志昉於明成化乙巳成於清康熙丁巳雖具有成書仍苦未臻完備迨乾隆乙酉知州事吳公山鳳以前志疎略倡議重修萬卷圖書儘供攷訂六房案牘足備參稽考獻徵文補殘正誤有條不紊閱者稱之越百餘年至同治壬申州牧周公紹達復事續修除人物藝文諸門略有增加續於舊志之次餘僅就舊志之訛略處爲之校正迄今又六十年適去歲

省政府將修全省通志徵集各縣事蹟 宋寰文明府方牧斯土乃集邑人從事編纂事既竣邑之人士僉以縣志久未修也請於 宋公凡省令所徵皆足爲邑志藍本就此重修事半功倍議既定乃詳其略增其闕考政治之沿革正輿地之謬誤六閱月始脫稿惟此六十年中耆老云亡諮詢匪易兵燹之後檔冊銷殘僅就所知依次編輯其採訪未及文獻無徵者未免尙有遺憾至若時移世易事與時違者舊志可稽亦不復贅屬稿既就爰誌其梗概如右

河北省涿縣志

序四

五

北平京城印書局承印

中華民國二十一年歲次壬申八月修志同人謹序

重修涿縣志委員會職員一覽

籌辦 吳為憲 張錫麒 茅愷 蕭彥輝 劉葆筠 周椿績

溫址峯 沈維銓 高振聲

督脩 宋大章 馮舜生 孫維善

總纂 周存培 張星樓

分纂 陳惠 蕭啟宗 楊荃 徐景智

校對 劉鍾策 蕭承宗 張學銘 陳文賓 林鴻勛

採訪 劉鳳奎 焦潤之 徐桂華 王德桂 魯廷弼 張子楨

陳懋 蕭士瑤 周奎齡 方天沛 馮樹勛 李樹藩

方培鑫 尙謙 盧宗藩 蕭述宗 蕭嗣宗 張宗耀

任維屏 周寶華 史學超 劉恩堉 周椿全 王右文

趙承緒

河北省涿縣志

職員一覽

北平京城印書局承印

繪圖 臧國政 朱賡元 吳震華



影 合 人 同 會 員 委 纂 編 志 縣 涿

涿縣志目錄

涿縣輿圖

涿縣城圖

第一編 地志

第一卷

經緯 沿革 位置 面積 山脈 河流附溝洫 氣候 地質 關隘 名勝 古蹟

第二卷

交通 植物 動物 禮俗 宗教

第二編 建置事迹

第一卷

城池 學宮 舊廡 祠廟 倉庾 驛傳 防汛 橋梁 坊表 冢墓

第二卷

正紀 雜紀

河北省涿縣志

目錄

第三編 經濟

第一卷

實業

第二卷

財政

第四編 黨政組織

第一卷

黨部 機關

第二卷

團體

第三卷

學校

北平京城印書局承印

第四卷

自治

第五編 選舉 職官

第一卷

徵士 科名 貢士 武科 封蔭 學校畢業生

第二卷

歷任官佐 官績 雜選 文職衆途 武職衆途

第六編 人物

第一卷

帝王 后妃 名臣 仕蹟

第二卷

儒林 文苑 忠節 孝義

河北省涿縣志

目錄

第三卷

烈女 隱逸 流寓 外僑

第七編 藝文

第一卷

詞賦 序跋 詔令 奏議 書牘 哀祭 傳誌 叙記 論著

第二卷


金石 塑像 書法 繪畫

第八編 三坡

一卷全


湖原 區域 氣候 戶口 政治 公安 教育 實業 交通 物產 習俗 方言 生活

河 北 省 涿 縣 輿 圖



例		圖	
X	局安公	——	界縣
大	校學	□	城縣
田	田水	■	鎮集
田	田旱	□	莊村
山	草水	—	路鐵
—	地凹	—	流河
—	溝	—	梁橋
井	井水	—	道國
—	灘沙	—	道鄉
—	牆土	—	堤河
—	牆磚	—	地坟
—	宇廟	—	墓土
—	線話電	—	路縣

涿縣城圖



涿縣志

第一編 地志

第一卷

經緯

涿縣位於東經一百一十五度五十八分北緯三十九度三十分

附舊志星野

分野之說自淮南史遷班鄭諸家發之而或以易卦配地域或以節氣當國分或以月律律配入辰次言之而其說日夥矣然言人人殊莫衷一是要之州郡雖改山川不移據山河以分其野總以禹貢九州之分爲正今之涿爲古幽州地析木津之次也陰陽之精本乎地而上發乎天唐太史令李淳風撰乙巳占凡禹貢九州諸山皆有分星其在冀州者以太岳爲尾低柱爲箕恒山爲虛罔石有危其論雖不盡衷乎古要之據山河以分野此不易之論矣故采史書之灼然易明者條列如左

禮月令孟冬之月日在尾註孟冬者日月會於析木之津而斗建亥之辰也章句云自尾四度至斗六度謂之析木之次立於冬小星居之燕之分野也

漢書地理志燕地尾箕分野也東有漁陽右北平遼西遼東西有上谷代郡雁門南得涿郡之易容城范陽北新城固安涿縣良鄉新昌及渤海之安次皆燕分也

河北省涿縣志

沿革

第一編

地志

第一卷

一

北平京城印書局承印

自尾四度至斗六度謂之析木之次燕之分也

晉書天文志自尾十度至南斗十一度爲析木於辰在寅燕之分野屬幽州郡躔次陳卓范蠡鬼谷先生張良諸葛亮譙周京房張衡並云涿郡入尾十六度

太平寰宇記涿州星分尾宿十六度

清類天文分野書涿州房山霸州文安尾四度

清一統志順天府在尾箕析木之次涿郡入尾十六度

沿革

虞書肇十有二州分冀州東北醫無閭之地爲幽州於時涿爲幽州地商周因之戰國時涿爲燕國地韓非子曰燕以薊爲國襲涿方城班固曰燕與六國俱稱王領有北平上谷新城安次等郡縣秦分天下爲四十郡涿爲上谷郡地漢加置郡國分上谷郡地置涿郡郡領縣二十九置涿縣此秦漢以上沿革之大畧也三國魏黃初中改涿郡爲范陽郡晉爲范陽國後魏仍爲范陽郡齊周因之自魏晉以迄齊周易郡爲范陽而涿縣之名如故隋開皇初郡廢大業初復置涿郡領涿縣唐武德初改縣

曰范陽大歷四年置涿州領范陽縣遼金元因之自唐五代以迄於元易縣爲范陽而涿州之名如故明洪武初省范陽縣入州清因之民國成立改州爲縣劃爲京兆二十縣之一十七年後易河北省屬涿縣此涿縣沿革之大略如此夫以歷朝因革損益地錯犬牙或合或分移此屬彼豈漫然宰割而比附之哉迹其規模區畫大小遠近之差官僚田賦之等論世者披覽流連庶可知其梗概焉

周稱國

燕國記云武王克殷反商未及下車而封黃帝之後於薊史記謂武王滅紂封召公於北燕與周同姓漢書以薊爲故燕國召公所封穀梁以燕爲周之分子古史考召公奭周之支族帝王世紀召公文王庶子其說各異尙書正義引左傳富辰言文王之子一十六國無名奭者則樂記所云封黃帝之後於薊者即召公是也詩補傳薊後改爲燕猶唐之爲晉荆之爲楚

秦改稱郡

河北省涿縣志

第一編 地志 第一卷 沿革

一一

北平京城印書局承印

上谷郡秦滅燕以其都及西境爲上谷郡

漢改稱國

燕國漢高帝元年項羽入關立臧荼爲燕王都薊三年韓信用廣武君策發使於燕燕王臧荼降五年反漢誅臧荼立盧綰爲王十一年綰反降匈奴十二年又立子建爲王文帝元年徙琅邪王澤爲燕王景帝六年國除元狩六年封子旦爲燕王元鳳元年國除

漢又改稱郡

涿郡漢高帝六年分上谷郡置涿郡屬縣二十九涿道穀邱固安南深澤范陽蠡吾容城易鄭州鄉安平樊輿成良鄉利鄉益昌陽鄉西鄉饒陽武垣新昌高郭臨鄉中水阿陵阿武廣望高陽王莽改涿郡爲垣翰後漢仍爲涿郡屬縣七涿道固安范陽良鄉新城方城屬幽州刺史

三國魏稱郡

范陽郡魏黃初七年改爲范陽郡追封武帝子矩爲王

晉又改稱國

范陽國武帝泰始元年改爲范陽國封宣帝弟廵子綏爲范陽王屬縣八涿良鄉方城長鄉迺固安范陽容城建興後沒於石勒於薊置幽州燕郡歷慕容儁符堅慕容垂州郡之名如故

後魏齊周

改稱郡

范陽郡元魏復爲范陽郡領涿固安范陽長鄉方城容城迺七縣北齊惟領涿迺范陽三縣後周省迺縣領縣二

隋稱郡

涿郡開皇初廢范陽屬幽州大業三年以幽州爲涿郡屬縣九涿薊良鄉安次固安潞懷戎雍奴昌平

唐

改稱州

河北省涿縣志

第一編 地志 第一卷 沿革

三

北平京城印書局承印

涿州天寶元年改涿郡爲幽州范陽郡先是武德七年改涿縣爲范陽縣大歷四年幽州節度使朱希彩奏請於范陽縣置涿州仍割幽州之范陽歸義固安以隸之又析固安置新昌凡領縣四太和六年以故督亢地置新城亦以隸之凡領縣五

五代遼

稱州

涿州晉天福初入於遼仍曰涿州置永泰軍屬析津府統縣四范陽固安新城歸義

宋金

改稱郡

涿水郡宣和四年遼將郭藥師以州降宋賜郡名曰涿水

宋金

又改稱州

涿州宋宣和七年郭藥師叛降金仍爲涿州屬中都路領縣五范陽固安新城定興奉先

元

稱州

涿州太宗八年升爲涿州路中統四年復爲涿州屬大都路領縣二范陽房山

明稱州

涿州洪武初省范陽縣入州屬北平府尋屬順天府領縣一房山

清稱州

涿州領縣一房山雍正七年以房山縣屬順天府州遂無屬

民國改稱縣

清季革命事起至壬子民國成立遂改稱縣

位置

涿縣在昔爲京南各省冠蓋往來之孔道商旅輻輳貨物雲集已爲其他各縣所未有迨清光緒二十二年京漢鐵路成不但交通便利而市面之繁盛又逾從前數倍茲將本縣四至及與鄰縣縣城距離之里數詳述於後

縣治在北平西南一百四十里

東至固安縣界三十里至縣治六十里

河北省涿縣志

第一編 地志 第一卷 位置

四

北平京城印書局承印

西至涞水縣界三十五里至縣治五十里

南至新城縣界三十里至縣治六十里

北至良鄉縣界二十五里至縣治七十里

東南至霸縣治一百一十里

西南至定興縣治七十里

東北至宛平縣界五十里至縣治一百四十里

西北至房山縣界二十五里至縣治五十里

面積

舊志僅有城周九里五十九步全縣面積若干並無詳明紀載今經勘丈計全縣面積及縣城里數如左

全縣東西六十五里南北五十五里合三千五百七十五方里城周延袤一千六百四十九丈有奇合九里五十九步